



## INATSISARTUNI

Partii Inuit  
Randi Broberg

UPA 2014/36-1

9.4.2014

### **Upernaviup eqqaani nunaqarfimmi Innaarsunni oqaluffiliornissamut Naalakkersuisut AIS15-imi 10 mio. koruuninik immikkoortitseqqullugit peqquneqarnissaannik Inatsisartut aalajangiiffigisassaattut siunnersuut.**

(Inatsisartunut ilaasortaq Jens Immanuelson, Siumut)

Maluginiarparput saqqummiussami pingaaruteqartoq ulluinnarni inuunitta aammalu anersaakkut inuunerup ataqqinartumik atorneqarnissaa siunertaralugu inatsisartunut ilaasortap Jens Immanuelson (Siumut) Innaarsunni innuttaasut oqaluffeqartinneqarnissaannik qaqitaqartoq.

Naalakkersuisut innersuussutaat malillugu innersuussutigineqarpoq illu assigiinngitsorpassuarnut atorneqarsinnaasoq qitiutillugu allatut siunnersuuteqartoqarnissaa pillugu naalakkersuisut peqquneqarnissaat anguniarneqassasoq.

Tungaviusumik Partii Inuit pingaartitaat tassaavoq inuiaat kalaallit sumiikkaluartulluunniit sapinngisamik assigiikannersumik inuttut atungassaqartinneqarnissaat aammalu saaffissaqarsinnaallutik nammineq ineriartortitsisinnaanissaminnut periarfissaqarsinnaanissaat. Tamannalu allaanerunngilaq immikkut ittumik pingaartumik anersaakkut inuunerup aammalu upperisaqarnerup inuiaqatigiit aqqissuussaananeranni allaanerunngittumik periarfissaqartinneqarnissaat inissaqartinneqartariaqarmat.

Partii Inuit Innaarsunni innuttaasut oqaluffitaartinneqarnissaannik kissaateqarneq pissusissamisoorutut isingalugu matumuuna taperserparput aammalu innersuussutingalugu naalakkersuisut innersuussutaat tungavingalugu Kulturimut ilinniartitaanermit ilageeqarnermullu ataatsimiisitaliami sukumiisumik nalilersuivigineqarnissaa.